



OPIS POSLOVA I ZADATAKA

TERMS OF REFERENCE (TOR)

EKSPERT/ICA ZA IZRADU ANALIZE O AUTORSKIM PRAVIMA

Jul, 2019. godine



A. Pozicija: Ekspert/ica za izradu analize o autorskim pravima

B. Lokacija: Grad Sarajevo

C. Referenca na projekat: „Zaštita autorskih prava novinara/ki i drugih medijskih djelatnika u Bosni i Hercegovini”

D. Trajanje: 10 dana

E. O organizaciji i projektu

Naručilac usluga Udruženje/udruga BH novinari je nevladina, neprofitna organizacija čiji su članovi novinari, slobodni novinari, studenti novinarstva i drugi medijski uposlenici čija je osnovna profesija novinarstvo. Osnovni ciljevi BHN su:

(a) zaštititi i poboljšati slobode, prava i odgovornosti novinara kao i zaštititi ugled i dostojanstvo novinarske profesije i

(b) poboljšati pravo javnosti da bude informirana o dešavanjima u društvu, kao i pravo svake osobe na slobodu mišljenja, izražavanja i pristup medijima.

Od juna 2019. godine BH novinari implementiraju projekat „**Zaštita autorskih prava novinara/ki i drugih medijskih djelatnika u Bosni i Hercegovini**“ finansiranog kroz Program osnaživanja nezavisnih medija u BiH (IMEP). Cilj projekta je efikasnija zaštita autorskih prava novinara/ki i medija kroz unapređenje zakonskog okruženja i profesionalnih kapaciteta medijske zajednice u Bosni i Hercegovini.

Specifični ciljevi projekta su:

- Unaprijediti znanja novinara/ki, studenata/ica novinarstva i drugih medijskih profesionalaca o individualnim i kolektivnim autorskim pravima, kao i mehanizmima njihove zaštite;
- Doprinijeti jačanju javne svijesti o zaštiti autorskih prava novinara/ki i medija kao sastavnog dijela profesionalnih prava i slobode izražavanja, podjednako u offline i online sferi;
- Doprinijeti poboljšanju zakonskog okvira i pravnih procedura zaštite autorskih prava u BiH, u skladu sa međunarodnim standardima i novim EU direktivama;
- Ojačati profesionalne kapacitete medijske zajednice u BiH za primjenu evropskih standarda zaštite individualnih i kolektivnih autorskih prava.

Sa tim u vezi, BH novinari traže eksperta/icu koji/a će izraditi sveobuhvatnu analizu o stanju autorskih prava u BiH, koja će po prvi put dati sveobuhvatan pregled zakonskih normi, međunarodnih deklaracija, kodeksa o autorskim pravima novinara/ki, kao i slučajevima kršenja ovog prava.

F. Obim posla i odgovornost eksperta/ice

- Analiza treba da sadrži sveobuhvatan pregled zakonskih normi, međunarodnih deklaracija, kodeksa o autorskim pravima novinara/ki, kao i slučajeva kršenja ovog prava;
- Analiza treba da pokaže sve nedostatke i ograničenja trenutno postavljenih normativa i omogućiti kreiranje preporuka za unapređenje ove oblasti;

- Predmet analize treba da bude i usklađenost domaćih zakona sa standardima Evropske unije, ali i uticaj EU direktive o autorskim pravima na poboljšanje položaja autora medijskih sadržaja i uopšte na stanje medijskih sloboda i sloboda izražavanja;
- U analizu treba da bude uključeno i istraživanje o kršenju autorskih prava novinara/ki, tj mapiranje slučajeva kršenja autorskih prava novinara/ki, koji su evidentirani samo kod medijskih i novinarskih organizacija ili su pokrenuti pred sudovima BiH, uključujući i analizu postupanja pravosudnih institucija kada je u pitanju ova oblast;
- Analiza bi trebala da sadrži odgovor i na pitanje o mogućoj povezanosti kršenja autorskih prava novinara/ki i kvaliteta u proizvodnji medijski sadržaja, te sve većom pojavom lažnih vijesti i prividnog medijskog pluralizma;
- U pripremi analize treba da bude intervjuisano najmanje 30 novinara/ki, predstavnika medijske zajednice, međunarodnih i domaćih organizacija, te predstavnika pravosudnih institucija i institucija vlasti;
- U izradu analize treba da bude uključeno i 70 novinara/ki i 20 medijskih kuća, koji će biti anketirani (online anketa) kako bi se saznao nivo poznavanja autorskih i srodnih prava, kao i to da li su im i na koji način bila prekršena individualna i kolektivna autorska prava, te kojoj instituciji ili organizaciji bi prijavili kršenje;
- Istraživačkim postupkom podjednako trebaju da budu obuhvaćeni i muškraci i žene, kako bi se dobio što ravnopravniji uzorak, kao i ispitanici različite starosne dobi i različitih profesionalnih preferencija i znanja.

G. Organizaciona razmatranja

Ugovarač će raditi pod direktnom supervizijom Projekt menadžera. Ugovarač će se konsultovati sa Projekt menadžerom i projekt koordinatorom tokom cijelog perioda angažmana. BH novinari kao naručilac posla će za potrebe realizacije projekta i aktivnosti konsultantu staviti na raspolaganje sav neophodan materijal (kontakte novinara/ki, urednika/ca i medijskih profesionalaca, publikacije i dokumentaciju, kao i pravilnike i analize koje su do sada urađene).

H. Autorska prava

Sadržaj podataka dobijenih tokom angažmana je podložan zaštiti i vlasništvo je BH novinara, te se ne smije, ni u cjelosti ni u fragmentima, koristiti na trećim stranama bez saglasnosti vlasnika. Upotreba podataka je moguća i opravdana samo u okviru aktivnosti projekta koji se realizuje.

I. Vrijednost ponude i plaćanje

Vrijednost ponude ne smije prelaziti 1.500 USD (bruto). Plaćanje usluga će biti izvršeno po izvršenju svih ugovorenih zadataka (5 dana nakon što ekspert/ica isporuči Analizu o autorskim pravima), a nakon potvrde Projekt menadžera da su svi navedeni segmenti usluge uspješno isporučeni. Ovaj ToR biće sastavni dio Ugovora, a Ugovor će precizirati novčanu vrijednost angažmana.

J. Kvalifikacije aplikanta

Kvalifikacije konsultanta

J.1. Formalno obrazovanje

- ☑ Visoka stručna sprema (VI stepen) – u oblasti društvenih nauka

J.2. Radno iskustvo i vještine

- Autentično lično iskustvo - dokazivo najmanje petogodišnje iskustvo u oblasti prava, autorskih prava i srodnih oblasti;
- Sposobnost rada u timu;
- Izvrsne komunikacijske vještine.

K. Način i rok za dostavljanje ponuda

Svi zainteresovani aplikanti za dostavljanje ponuda, moraju najkasnije do 29. jula 2019. dostaviti sljedeću dokumentaciju:

- Kopija diplome
- Biografiju (CV), koja će predstaviti i Listu referenci - pregled radnog iskustva ili pruženih usluga u oblasti autorskih prava
- Finansijska ponuda

NAPOMENA:

Ponude se dostavljaju putem pošte ili lično na adresu: Udruženje/udruga BH novinari, Kralja Tvrtka 5, 71 000 Sarajevo